


Nadsapi Sabeo jianicca abadsico 6 canadsa odsa
onihihuaji Dio pocca dodosse Pohua Atti ccaccaronade
Cabirie dosse inaronapomajari. Najaro odsa oninipi
Nasareti, dsama arobeni Carireahuajicca. Nani
Nasaretidsa dsohuato madijaro, poni oninipi Maria.



Ponipi maqquideje caji-jeraccani, maqquideje
ssamo taccani. Najaro dsohuatodsa Dio
Cabirie dosse inaronajari, ponidsa huati tahijine.
Nadsama najaro dsohuatopi Dsodse icajinijine
tahide imehidenipa jehe canirepojari. Dsodsepa
maittaccadsamacca tamine Dabi jinodi potemahi.



Nanaja Cabirie ponidsa
huati tapomajari: —Maria
ticappina-jeraji. Diodsa bica
tinani. Jidapapa ejedeni
tidsonedsa huittidsahitohui.
Nadsama ejedeni tossonadsa
onipa: Jeso, tana -najari.
—Pohuapa denima madija
bicahi tojahitohui. Pohuadsa:
“Dio memehuaji madijaricca
Ejedeni” quiquinanahitohui.



Ticca ejedenipa ia Medsede
Diojine tamine deni tojahicca
tojahitohui, pina pocca idi
maittaccadsamacca
tamine Dabissa
nahitohui. Pohuapa
pocca madija
Isaraeri potemahi
ecahuabaqqi-dsanapohuitohui.
Pocca cacahuehe naqui
jiquejeranitohui-najari
Cabirie atti Mariadsa.



Naraha manaco Maria Cabiriedsa huati
tajaro: —Ajijaro imapi čnejecoma
najaro? Ohuapi maqquideje
ocappiraccaha, maqquideje
ssamo onaccani-najaro.

Naraha manaco Cabirie
huati tajari: —Dio
Corimepa tiadsa
bacco naronahitohui.

Dio memehuaji
madijaripa tiadsa
pocca dacorehe

inananitohui.



Pina meme essení nahuini tiadsa
huedsana najarossa nadsapi
Diocca dacorehe tiadsa
tojanijine. Najarojine ejedeni
nahatojaripa imasiri cappira,
bodi ssiaja tahitohui.
Pohuadsa: "Dio Bedi"
quiquinanahitohui.



Nadsapi Maria ponicca madija Sabeo qquide
dsama arobeni Jodeahuaji huassinaja
toccajaro. Ssonohuajicca odsa panani
bacco tajaro. Nanihuaji
Maria bacco tadsapi
Sacariacca odsadsa
toqquedsimajaro.
Sabeodsa: —ćNija,
bica tinaqui? -najaro.
Maria nija nani
Sabeo mittadsa poni
idsonicca ejedeni
ttai ttai nadsapa



Dio Corime Sabeo
bodinidsa tojahissa tajari.



Nadsapi Dio Corimejine bodini nahato
tajaro. Nadsapi Sabeo poni attini
ahuato tadsa Mariadsa huati huati tajaro:

—Diojine tiadsa ima
bicani tojani. Amoneje
huapi taraha tiadsana
Dio ima bicani
denima inanajaro.
Tidsonecca
ejedenidsa naco
Dio ima bicani
inananitohui-najaro
Sabeo.



Jesocristo tossonahijinecca
imapi ajima napojaro: Jeso
imani Mariapi Dsodse
icajihijine tahide
imehidenipa jehe
canirepojari. Mariapi
maqquideje ssamo
taccani. Dsodsepa
pocca odsahuaji
Maria
iaccani-jeraccadsapi
ponidsa huada-jaraccahi.
Naraha ponipi jiajaro.



Dio Corime huati tadsapa
poni idsonidsa ejedeni
nahatodsa huittidsajari.
Ponicca maqqui tojahijine
Dsodsepa imari bica
taja najari. Poni jiani
qqui taraha ponidsa
ima inassonarinijine
jipera tajari.
Nadsapa pohua
bodi: —Cacomehedsa
onebona -najari.



Pohua bodi nama naraha pocca huadadsa Diocca
dodosse Pohua Atti ccaccaronade ahuatodsa
huati tajari: —Dsodse, tiapi tamine Dabi
potemahi tijani. Ticappina-jeraji. Maria
jiaporaha ticajinijine oppinera tani.
Aja, Maria poni idsonidsa ejedeni
huittidsajaripa madijajine jarahi. Dio
Corime huati tadsa ejedeni
cajijaro-najari.



—Nidsa poni bedi tossonadsapa onipa "Jeso" tana.
(Ettidsapi: Ia Medsede madija Tonassiajade,
inajaro.) Najaripa pocca madija
inassiajabacquihitohui,
poccadeni imasiri manaconi
najidsohue pohuadenidsa
inassonari-jeranitohui-najari Dio
Atti ccaccaronade atti.



Nadsapa Dsodsedsa huati huati taha jicadsapa
Dsodse nocco tojajari. Dio Atti ccaccaronade attidsa
ibora tadsapa Maria icajijaro. Nadsapi
pocca amoneje tojaraha poni idsonicca
ejedeni tossona-jaraccadsapa ponidsa
huada-jarajari. Poni bedi tossonadsapa
Dsodseejedeni oni hua injari:
—Jeso-najari.



Jeso tossona-jaraccadsapa dsama huapimacca imapi
ajima najaro: Tahidepa romanodenicca tamine deni
tojahicca onipa Acosto
pohua bodipa:
—¿Nejecoma
naha madija



madimanahi occa cacahuehedsa?



-nadsa madija onideni huapima dsodo
naridsamanahijine pocca dosseniji ccaridsajaro.
Nadsama madija huapima
dsama onihi onihidsa
mamadimani
naridsamanaraha
birididenicca



dsamadsa jai tojaniridsajari.



Isaraeri potemahideni naco
birididenicca dsamadsana
pohuadeni oni dsodo
quinahijine jai
tojaniridsajari.



Nadsapa Dsodse. Pohua naco dsama arobeni
Carireahuajicca odsa panani onini Nasaretidsa
madiraha biridi tamine
Dabi madipohuicca
odsa panani
Berenehuajina
toccanijari,



pohua oni dsodo nahijine.
Bereneipi dsama arobeni Jodeacca.



Nadsama Dsodsepa Maria tadsajani Berenehuaji
tohuedajari. Mariapi Dsodse pohuadsa da quinaraha
ponidsa huada huada
najaraccahi. Poni
idsonidsa ejedeni
huittidsaja
najari.



Nadsapa Berenehuaji
bacco toquinaraha odsa
ijiridsajaro. Madija
huapima tahide bacco
toquinapoja najari.



Odsa ijiridsadsapi
Dsodse pocca amoneje
tadsajanipa bohuicca
huahuadadsa
madimanajari.
Nahidsa
madimanadsana
Mariacca



ejedeni
comajari.



Poni bedi tahidecca tossonajari. Nadsapa etero
dsojoranidsa teppe inadsa dsero
huanarini tetepidsa
ibari najari.



Nadsama odsa panani Berene huajira tanidsapa
edede cacahuadedeni madimanajari. Pohuadenipa
huamonidsa jassi jassi tajari.

Dsomepa edede
cacahuade
noccodeni
bibissa
najari.



Nanaja pohuadenidsa Diocca dodosse Pohua Atti
ccaccaronade ahuatojari. Dio Pohua ssiejene
tossiajabagquidsa cappinamanajari.



Naraha Dio Atti ccaccaronade pohuadenidsa:
– Ticappinamana tejeraji. Tiadenidsa ima bicani
huati onana-najari. – Huatidsehe
imeni madija huapimadsa



tojaridsanijine-najari.



—Jidapapa tiadeni Tonassiajade tossonahi,
tamine Dabicca dsamabote Berenedsa.
Pohuapa ia Idinide Cristo-Mesia

najari.
Nadsama
aji occa
huatinaja
nahatoqquri
tiquinanjinepi

ajima nani qqui
tiquinanitohui.



Ejedeni tossonedsatipa etero dsojoranidsa teppe
naha dsero huanarinidsa pori canahitohui-najari
Dio Atti ccaccaronade.



Nadsapa ima huati taha jicadsapa Diocca dodosse
tabaqqi memehujicca huapi taha
amadsati ahuatoma-manadsa Diodsa
huatidsemanadsa jiri jiri



quinajari: —iDio
memehujaji
madijaripa
bica tahi, deni tojahi!



Namihuaji Pohuajine huatidsehe cajiridsani.
Dio pocca cacatidse tabaqqidsa pocca
jonehe tojaridsani-quinajari.



Nadsapa Diocca dodosse tabaqqi memehuaji jai
to jamacossanidsapa aja edede cacahuade attidenipa:
—iJina, Berenehuaji jaijanina! Ia Medsede iadsa
huati tahi qquide jaijanina-quinajari.



Nadsapa huassinaja jai tojanidsapa
Maria Dsodse tedseje madimanahidsa
bacco toquinajari. Nanaja ejedeni pori
canajari dsero huanarinidsa.



Nadsapa edede cacahuadedeni ejedeni qqui
toquinadsapa aja Diocca dodosse attissa nehe qqui
toquinajari. Nadsapa Diocca dodosse ejedeni tahimari
pohuadenidsa huati tajaricca ima
ecomeramanajaro nahicca
madijadsa.



Jesopa odsa panani
onini Berenedsa
tossonajari.
Najaro odsapi
Jodeahuajicca
dsamacca.

Jeso tossonahicca huajanodsapa
tamine Herode dsama Jodeacca
madija cacahuade tojajari.
Pohuapa odsa panani
Jerosaredsa madijari.



Nadsapa tamine
Herode nahidsa
madihi paja
naccadsa dsama
huaji tanicca
madija

maji ccajonahiuaji
jahionadsa Jerosaredsa
bacco najonamanajari.
Pohuadenipa abadsico
bedi tahimari nahatoqqiri
napojarideni.



Jerosaredsa bacco
najonamanadsa
attidenipa:
—¿Nija?
¿Nejecohuaji
Isaraeri

potemahi aja jodi denicca
tamine tossonajaritta?
—najonamanajari. —Iapi maji
ccajonahihuaji imadidsa abadsico
bedi dsati qqui icanade.



Najaro imapi
tamine deni
tojajari
tossolahitohui

quinapojaricca ima
tojajaro. Najari qquide
jaijajonajaro. Ipitodsa jassi
inadsa pohuadsa: "Icca tamine"
inanjine -quinajari.



Herode najaro ima
mittadsapa aja abadsico
bedi tahimari nahatoqqiri
napojaridenitohui
cacomeheda huahua
inabaqqijari, poccadeni ima
mittahijine. Jahionadsapa
pohuadenidsa huati tajari:
—Aja abadsico Nanihuaji
ejedenitohui qqui
taridsamanana.



Bacco tiquinadsapa ohuadsa
huati tanimanana. Ohua
naqui pohua qquide
occadsa opitodsa
ohuittadsa pohuadsa:
"Occa tamine" onanijine,
onajaro -naraha
maidsajari. Tamine
ohuahadsa
jipera tajari.



Herode atti mittamanadsapa jai tojajari. Jai toja, jai
toja nanaja abadsico bedi aja qqui icanamanapojari

pohuadeni tedsejema
cahatopomajari.

Cahatopomadsa abadsico
bedi tahimari nahatoqquiri
napojarideni
huatidsemaneri
najari.



Pohuadeni tedsejema tohuaccadsa ejedeni
tossolahicca odsadsa quehenacossajari. Nahidsa
jai tojedsimadsapa ejedeni qqui,
imeni Maria qqui toquinajari.
Pohuadsa huatidsemanadsapa
pohuadeni pitodsa jassi tadsa:
—Tamine deni
tojahi -quinajari.



Pohuadeni dsepetaji baho bedeni bicaqqiri najaro
itaboridsamanadsa poccadeni daniji ejedenidsa da
inaqqimanajaro. Oro huatini
ccara tanicca da quinajaro.



Ahua majicone tohuessihi majo bica tajari naco da
quinajari. Ahua ohuaha oni mirra majicone majo ocassa
tahicca naco da quinajari. Nadsa
dsome nahidsa cahadijadsapa
huada cajimanajari. Dio
pohuadenidsa huati tajari:

—Tamine
Herodehuajipi jai
tijani-jeraji.



Pocca ima oppina tani -najari poccadeni huadadsa.
Nama nadsapa poccadeni dsamahuaji jai tojanihijinepa
Jerosarecca jahuihuaji jai
tojani-jarahi. Jahui onihina
jai tojanijari.



Nadsapa abadsico bedi
tahimari nahatoqqiri
napojarideni jai tojania
jicahi. Dsotodepa Dsodse
pocca huadadsa Diocca
dodosse Pohua
Atti ccaccaronade
ahuatodsa atti ajama
najari: —Dsodse,
nocco tijaji.



Huassinaja aja
ejedeni imeni tadsajani
dsama Ejitohuaji
tiaccabaquijo.
Tamine Herodecca
dosseniji
ejedenitohui qqui
naridsamanabote
nahi,



inanadsoqqe-manahijine.



Nani Ejitohuaji
timadi-dsanapoccana. Nidsa
tiadsa huati onapomadsana
ticcanipomanijine bica tani
-najari. Nadsapa huassinaja
nocco toquejenadsa:
—Jina, jidapana dsome
icadana -najari Dsodse.
Nadsapa dsomeraha
ejedeni



imeni tadsajani Ejitocca
jahui jai tojajari.



Ejito huaji bacco
toquinadsapa
tamine Herode
madiccadsa nahidsa
madimana-dsanapocajari.



Najaro imapi maittaccadsama
Dio huati tapodsa Pohua Atti
cacomerabote Osea dsodo
inapojaropi ajima najaro:
—Occa Ejedeni Ejitohuaji
madiraha pohuatohui
huahua onajaro -najari
Dio Atti Oseajine dsodo
nanidsa. Nadsapa
tamine Herode



dsoqquehi ima
mittamanadsana poccadeni
dsamahuaji jahinijari.



Herode dsoqqe-jaraccadsa
ima ajima inanjaro.

Aja abadsico bedi
tahimari nahatoqquri
napojaridenitohui madiraha
pohuahuaaji jahini-jaradsapa
bodi huatomajari:



—Ohua



icamaid samanjaro
-najari.




Nadsapa paja huadirijari.
Huadidsapa tamine
dsati tossonajari dsori
tajarahijine pocca madija
dosse inabaqqijari:
—Jari, Berenedsa
madimanajarideni, ...



... Berene huajira tanidsa
madiridsamanajarideni naco
bedideni maqquideje bedi
huajanorideni 2 najari,
huajanorideni ajamanicca
naco, najarideni huapima
tinajicaridsamanahissa



tajo



-nahi nade Herode.



Aja abadsico bedi dsati
qqui icanamanapojaricca
huajanodsa
tocatojaridsajarideni
huapima jicaridsahijine.



Nadsapa dsotode tamine
Herode dsoqquehi nattipa
dsama Ejitohuaji Dio Atti
ccaccaronade Dsodse pocca
huadadsa ahuatopomadsa
huati tajari:—Dsodse,
nocco tijaji.



Aja ejedeni
imani tadsajani Isaraeri
potemahidenicca dsamahuaji
tiaccanibaqqiyo. Ejedeni
inanadsoqqe-manahijine
tohui quinajaridenipa
jicahi -nahi nade.



Nanihuaji bacco
tanimanadsapa
Dsodse ima
mittajari:



—Herode
dsoqqedsapa pohua
bedi onipa Aquelao najarina dsama
Jodeacca tamine tojajari -quinajari.



Najaricca ima naqui
tabaccora tajaro,
pina imehicca imassa
nadsapi Dsodse
nahihuaaji



madihijine
cappinajari. Naraha pocca
huadadsa Dio pohuadsa huati tajari: —Aji
Jodeadsapi timadimana-jeraji -nahi nade.



Nadsapa
dsama arobeni
Carireahuajina
tojoppemamanajari.



Jai tojadsapa Carireahuaji
bacco toquinajari. Nadsapa odsa
panani Nasaretidsa madimanajari.



Najaro imapi pina Dio
Atti cacomeraquiri
najarideni madija
Idinide Cristo-Mesia
tahimari
huati



toquinapojarissa
najaro: —Pohuadsa:
“Nasaretihua jicca” quiquinanahitohui
—quinapohui nade Dio Atti dsodo nanidsa.



—Diopa madijadsa huati cahanari
canahi. Pohua Bedi ojari naraha da
inadsapa huapima pohuadsa pajissa
quinajaridenipa tocassiejerahijine.
Camittehe jiquejeranicca naco
cajimana-dsanapohuijine.



Romanodenidsa 3:23

Madija huapimapi imasiri icajiridseje najaro. Diocca deni tojehedsa iquejenanijine ipajiranissa tejerajaropaji.

Romanodenidsa 6:23

Icca imasiri manaconipi dsoqquehe jiquejeranicca.
Naraha Diocca danijipi camittehe jiquejeranicca.
Ia Medsede Jesocristodsa iquejenadsapi
Diocca daniji icajini.

Ebreodenidsa 9:27

Madija ia naqui idsoqquenitohui. Idsoqqueraha idsoqqueni ojarinitohui. Najaro nattinipi madija huapimacca ima cattemade Dio baccohuaji idomo huadsa ia tocattejidsabaquihitohui. Pohuadsa toquejenajaridenidsa pocca biquehe da inanitohui, Pohuadsa toquejena-jarajaridenidsapi pocca najidsohue inassonarinitohui.



Epesodenidsa 2:8,9

Abi Diopa titohuideni huati cahanari canajaria tiadeni tonassiajabacquijari. —Jesocristo pajissa itohui dsoqquejari -tiquinadsapi tiadenidsa tossiejehe inanajaro. Tijinedeni jerani. Abi Dio tohuini nadsa manaconi jirehe tiadenidsa inanajaro. Pajissa, Dio tiadeni tonassiajabacquijaripa bicaqquri tiquinajarojine jerani. Ima bicani tinanamanajarojine jerani. Najarojine madijapa: —Bica onajarojine Dio ohua tonassiajajari -najarahitohui.



Romanodenidsa 10:9,10

Madijadsa tecomeramanadsapi: —Jesopa ohua Medsede, occa tamine deni tojahicca -tiquinaji. Tibodidenidsa naqui: —Jeso huatiaraha Dio inahatonijaripa pajissa -tiquinadsapi ticassiejeranitohui.

Ibodi Jesocristocca imadsa pajissa inadsapi icca ima Diodsa tobicajaro. Madijadsa ecomeradsapi: —Jesopa ohua Medsede -inadsana Dio ia tonassiajajari.

Huano 3:16,17

—Diopa madijadsa huati cahanari canahi. Pohua Bedi ojari naraha da inadsapa huapima pohuadsa pajissa quinajaridenipa tocassiejerahijine. Camittehe jiquejeranicca naco cajimana-dsanapohuijine.

Diopa Pohua Bedi madija dsahuade dosse inarona-jarajari. Madija tonassiajadera dosse inaronajari -nade.



1 Huano 5:11-13

Aji iadsa Dio pocca ima ecomerajaropi camittehe jiquejeranicca iadsa da inajaro. Najaro camittehe jiquejeraniccapi Dio Bedidsana anijaro.

Dio Bedidsa iquejenadsapi camittehe jiquejeranicca icajini. Naraha Dio Bedidsa iquejena-jeradsapi camittehe jiquejeranicca icappirani. —Jesopa pajissa Dio Bedi -tiquinajarodenidsa ajijaro ima dsodo onajaro, camittehe jiquejeranicca ticajimanani nahatoqquri tiquinanijine.



Mateo 1-2; Roca 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Culina Bible (cul) © Wycliffe Bible Translators, Inc.
All rights reserved.

<https://live.bible.is/bible/CULWBT/MAT/1>

©2024 Bible for Children, Inc.

www.M1914.org

www.bibleforchildren.org

